

ISSA MAAAYDO NGAM AM NA?



Moy maayi dow gaafaangal ? Dum fakat o maayi na ?

Iwde am, Afrika Woylaari, haa ton, soobiraabe am duudbe don nuddini bee tammunde mawnde, Allah dungantaako hallube keba baawde mbarugo annabi Issa. Goddo feere waafaama mbattudi maako be mbi'ata. Bee man fuu, duudbe tabitini dum Issa be ngaafi. Ammaa nde yam mi, moy be ngaafi ? Mi hebi jaawaabuui duudfi : Wodbe mbi'i dum Yahuuda Iskariyot. Be'e bo mbi'i : Dum goddo non mo Allah iinani dum aljanna, ammaa iinaawol ngol tabitan to o jabi maayugo dow gaafaangal mbattudi Issa Masiih. Mi hebi jaawaabuui feere feere sappo e didi. Sooba'en jaabotoobe yam be'e, be ngidi diina masin e be pelataake bee koydum. Bee non fuu, dow haala moy be

ngaafi mo dow gaafaangal, mi narraay bee jaawaabu ma6be. Nda hujjaaji am :

Aranum, annabakuji duudfi ngadaama duubi duudfi hidde annabi Issa wara. Di mbolwi haala maayki maako mbattudi men. Fakat deftere don fela yahuudu'en ngam be mbari Issa e kambe boo be annditi feloore nde, mgam dum don tawe nder defte ma6be.

Annabi Esaaya wi'i «Ammaa o naawnaama ngam hakkeji meeden ... Enen fuu, en majji bana baali ... Allah jawmiraawo yowi aybe meeden fuu dow maako ... O roondi aybeeji meeden fuu » ; Esaaya 53. Do dum annabaaku ngootu nder annabakuuji mbolwandi dow maayde Issa Al-Masiih. Annabi Daawud boo nder Zabuur, wolwi haala kosde e juude annabi Issa cuumpitaade Zabuur 22 :17. Dum tabiti

yaake be ngaafi mo.

Didabum, seedoobe ngi'ani ko'e ma6be maayde Issa Al-Masiih. Dum walaa riiba, betagatarihaaji. Koonde dum wi'a o maayaay ammaa seedoobe be'e ngi'i yaake o maaya dum suni bee masin. Nde o ummiti diga maaybe dum seyni be. Issa bee hoore mum maatini diga siwa, ko tammi laataago dow muudum. Haa nder ngewta amin, mi tawi fodde ko be maandi dow maayde Issa haa gaafaangal be yami : « Allah waawataa no soottugo mo diga juude hallube be'e na ? » Nden mi jaabi be, Issa, oo woodi no baawde yamugo Baabiraawo maako malaa'ika'en baakin moobe sappo e didi Ngam nattingo konne'en maako (Matta 26 :53). Be yami, to non, koni o wadaay dum ? E mi hebi laawol sappingo be daliila burka daliilaaji fuu.

Walaa mo dooli Issa, walaa jaaliido mo. O wari nder duniyaaru ngam o maaya dalliila hakkeji meeden. En ngalaa daliila koo kaye ngam kisen halkere duumiinde.

Haa kisen, haani keben kisnoowo mo meedaay hakke. E dum Issa feere mum woni mo meedaay hakke. O maayi mbattudi men ngam man, koomoy nuddindo mo fuu hisan (Yuhanna 3:16) « Haa maako tan kebeten kisndam ngam walaa goddo feere haa duniyaaru sam, mo Allah hokki baawde haa en keba hisrugoo bee muudum » (Kuude Nelaabe 4:12).

Yaa jangoowo, bee dabareji men en mbaawataa hisugo ammaa ndaa ko deftere wi'ata : « En kebi kisndam bee mo'ere bee nuddinki ... naa dalliila kuude amin » (Efesu'en 2 : 8-10).

On ngeerdoto jabgo dokkal Allah : Yaafuye hakkeeji e ngeendam

nduumiidam na ? Njabe dum nder bernde mon bee nuddingo Issa.

«Dow Issa Al-Masiih
ndaa ko wi'a :

• Ndaa jawgel Allah ittangel hakkeeji
duniyaaru »

(Yuhanna 1 : 29).

**To on ngidi anndugo ko bura du'um malla
woodi yamde moodon, ndaa no on tawirta min:**

Maroua: B.P. 98,
cb.maroua@gmail.com
tél.: 675.004.505 / 695.765.950

Garoua: B.P. 510,
cb.garoua@gmail.com
tél.: 663.822.557 / 698.434.388

Kousséri: B.P. 98,
cb.kousseri@gmail.com
tél. 676.099.969,
ou 00235-68.02.37.31

Mora:
tél. 660.888.143,
cb.mora.massif@gmail.com

Ngaoundéré: B.P. 30,
cb.ngaoundere@gmail.com
tél.: 695.245.462

Ngong (carr. Tourwa):
tél. 657.271.882 / 691.170.489

Bertoua: B.P. 12,
cb.bertoua@gmail.com
tél.: 696.855.087

et également :

Bafoussam: B.P. 1086

Douala-Nouvelle Route Cité:
B.P. 7541

Ebolowa: B.P. 98

Monatélé: B.P. 92

Yaoundé-Etoa Meki: B.P. 4866